

Atsésokos

Bovė vaizdā smegėnū vingiūs rīškie.
Bovė žuodė atmintėis avėliūs kraunas.
Nežėnau dar kor ėtė, bet jau aiškie,
Ka nebūso tėik, kėik nuoriejau glaunos...

Ne ė veidruodi rėktom veizietė,
(Tėn vėsė vaizdā senė ĩr pagadintė)
Tiktā ėš vaikīstės pėivieliu
Gīsluoms sava stiprībės gali paimtė.

Vėsās takās ė sava kėimāli parėso,
Vėsās longās ė sava suodnāli veizieso,
Tėn ė dūma joudė atruoda mon švėisė
Vakarīkštė potra skaniausė, nuors ėr atviesosi...

Lai sau luo, kas tik nuor – ė žuodės, ė darbās:
Kuožnos himnos tor prasmė sava!
O mon gerā, ka dar ėšgalio kartās
Pamatītė, kap nosėskoto barzda...